

东 京 梦 华 录
都 城 纪 胜
西 湖 老 人 繁 胜 录
武 林 旧 事

中国商业出版社

梦梁录目录

卷一

正月
元旦大朝会
立春
元宵
车驾诣景灵宫孟飧
二月
八日祠山圣诞
二月望

卷二

三月①
诸州府得解士人赴省闌
荫补未仕官人赴銓
清明节
诸库迎煮
州府节制诸军春教
二十八日东岳圣帝诞辰
暮春

夹注：①佑圣真君诞辰附

卷三

四月

皇太后圣节

宰执亲王南班百官入内上寿赐宴

皇帝初九日圣节

僧寺结制

五月^①

士人赴殿试唱名

卷四

六月^②

七月^③

七夕

解制日^④

八月

中秋

解闈

观潮

卷五

九月^⑤

夹注：①重午附

②崔真君诞辰附

③立秋附

④中元附

⑤重九附

明禋年预教习车象
明堂差五使执事官
驾出宿斋殿
五格仪式
差官轼祭及清道
驾诣景灵宫仪仗
驾回太庙宿奉神主出室
驾宿明堂斋殿行禋祀礼
明禋礼成登门放赦
郊祀年驾宿青城端诚殿行郊祀礼

卷六

十月
立冬
孟冬行朝飨礼遇明禋岁行恭谢礼
十一月冬至
十二月
除夜

卷七

杭州
大河桥道
小河桥道
西河桥道
小西河桥道
倚郭城南桥道
倚郭城北桥道

禁城九厢坊巷

卷八

大内
德寿宫
太庙
景灵宫
万寿观
御前宫观
西太乙宫
佑圣观
显应观
四圣延祥观
三茅宁寿观
开元宫
龙翔宫
宗阳宫

卷九

三省枢使谏官
六部
六部监门
诸寺
秘书省^①
诸监

夹注：①国史敕令附

大宗正司
省所
六院四辖
三衙
阁职
监当诸局
诸仓
内司官
内诸司①

卷十

诸官舍
府治
运司衙
后戚府
诸王宫
家庙
馆驿
本州仓场库务
点检所酒库
安抚司酒库
厢禁军
防隅巡警
帅司节制军马

夹注，①奉安

卷十一

诸山岩
岭
诸洞
溪潭涧浦
井泉
池塘
堰闸渡

卷十二

西湖
下湖
浙江
城内外河
湖船
江海船舰
河舟

卷十三

两赤县市镇
都市钱会
团行
铺席
天晓诸人入市
夜市
诸色杂买

卷十四

祠祭
山川神
忠节祠
仕贤祠
古神祠
土俗祠
东都随朝祠
外郡行祠

卷十五

学校
贡院
僧塔寺塔
城内外诸宫观
城内外寺院
古今忠烈孝义贤士墓
历代古墓

卷十六

茶肆
酒肆
分茶酒店
面食店

荤素从食店①

米铺

肉铺

鲞铺

卷十七

历代人物

状元表

武举状元

后妃列女

历代方士

历代方外僧

行孝

卷十八

民俗

户口

物产

谷之品

丝之品

帛之品

货之品

菜之品

果之品

竹之品

夹注,①诸色点心事件附

木之品
花之品
药之品
禽之品
兽之品
虫鱼之品
免本州岁纳及苗税
免本州商税
恩霈军民
恤贫济老

卷十九

园囿
瓦舍
塌房
社会
闲人
雇觅人力
四司六局筵会假赁

卷二十

嫁娶
育子
妓乐
百戏伎艺
角觥
小说讲经史

卷 一

正 月

正月朔日，谓之元旦，俗乎为新年。一岁节序，此为之首。官放公私做屋钱三日，士夫皆交相贺，细民男女亦皆鲜衣，往来拜节。街坊以食物、动使、冠梳、领抹、缎匹、花朵、玩具等物沿门歌叫关扑。不论贫富，游玩琳宫梵宇，竟日不绝。家家饮宴，笑语諠哗。此杭城风俗，畴昔侈靡之习，至今不改也。

元 旦 大 朝 会

元旦侵晨，禁中景阳钟罢，主上精虔炷天香，为苍生祈百谷于上穹，宰执百僚，待班于宫门之次，犹见踈星绕建章。但禁门未启，而虾蟆梆鼓并作，攒点即放鱼钥，阖闾门下，方启龙闾，执挺人传呼，头帽号纷然，卫士杂廷绅报到。闾开，百僚联轡入宫城，簇拥皆从殿庑行。遇大朝会，驾坐大庆殿，有介冑长大武士四人，立于殿陛之角，谓之“镇殿将军”。殿西庑皆列法驾、卤簿、仪仗，龙墀立青凉伞十把，效太宗朝立诸国王班次，如钱武肃、孟蜀王等也。百官皆冠冕朝服，诸州进奏吏各执方物之贡。诸外国正副贺正使随班入贺。百僚执政，俱於殿廊侍班，而阁门催班吏高唤云：“那行！”吏进序班立毕，内侍当殿厉声问：“班齐未？”禁卫人员随班奏：“班齐！”千官耸列朝仪整，已见龙章转御屏，日表才瞻临玉座，连声清蹕震班庭。上御正衙，有绿衣吏执仪剑突趋殿前，声谇厉不可晓，乃大珰走办耳。宰执百僚听召宣，领班蹈舞，皆称寿再拜，声传

折槛边。禁卫人高声嵩呼，声甚震，名为“绕殿雷”。枢密臣候称寿毕，登殿，立折槛侧，百僚俱鞠躬听制。宣制曰：“履兹新庆，与卿等同。”朝贺毕，就殿赐燕宰执、百僚。外国正副使人，次日就馆赐宴，使副及三节人俱与焉。翼日，至明庆、灵隐等寺烧香。次至玉津御园射弓，朝家选能射武臣伴射，就园赐宴。先列招箭班士十余人于垛子前，使人多用弩子射，其班士裹无脚小帽子、锦袄子，踏开弩子，舞旋搭箭，过与使人，彼窥得端正，止令人发牙。例朝廷差来伴射武臣，用弓箭中的则得捷，上赐闹装、银鞍、马匹、衣帛、金银器物有差，迎迓还舍，观者纷然。如朝使入朝辞，赐宴钱行，仍赐马匹银帛，礼物甚盛。三节人依例给赐而去。

立 春

临安府进春牛于禁庭。立春前一日，以镇鼓锣吹妓乐迎春牛，往府衙前迎春馆内，至日侵晨，郡守率僚佐以綵仗鞭春，如方州仪。太史局例于禁中殿陛下，奏律管吹灰，应阳春之象。街市以花装栏，坐乘小春牛，及春幡春胜，各相献遗于贵家宅舍，示丰稔之兆。宰臣以下，皆赐金银幡胜，悬于幘头上，入朝称贺。

元 宵

正月十五日元夕节，乃上元天官赐福之辰。昨汴京大内前缚山棚，对宣德楼，悉以綵结，山杏上皆画群仙故事，左右以五色綵结文殊、普贤，跨狮子白象，各手指内五道出水。其水用辘轳绞上灯棚高尖处，以木柜盛贮，逐时放下，如瀑布状。又以草缚成龙，用青幕遮草上，密置灯烛万盏，望之蜿蜒，如双龙飞走之状。上御宣得楼观灯，有牌曰“宣和与民同乐”。万姓

观瞻，皆称万岁。今杭城元宵之际，州府设上元醮，诸狱修净，狱道场，官放公私僦屋钱三日，以宽民力。舞队自去岁冬至日，便呈行放。遇夜，官府支散钱酒犒之。元夕之时，自十四为始，对支所犒钱酒。十五夜，帅臣出街弹压，遇舞队照例特犒。街坊买卖之人，并行支钱散给。此岁岁州府科额支行，庶几体朝廷与民同乐之意。姑以舞队言之，如清音、遏云、掉刀、鲍老、胡女、刘袞、乔三教、乔迎酒、乔亲事、焦鹞架儿、仕女、柝歌、诸国朝、竹马儿、村田乐、神鬼、十斋郎各社，不下数十。更有乔宅眷、旱龙船、踢灯、鲍老、驼象社。官巷口、苏家巷二十四家傀儡，衣装鲜丽，细旦戴花朵□肩、珠翠冠儿，腰肢纤袅，宛若妇人。府第中有家乐儿童，亦各动笙簧琴瑟，清音嘹亮，最可人听，拦街嬉耍，竟夕不眠。更兼家家灯火，处处管絃，如清河坊蒋检阅家，奇茶异汤，随索随应，点月色大泡灯，光辉满屋，过者莫不驻足而观。及新开门里牛羊司前，有内侍蒋苑使家，虽曰小小宅院，然装点亭台，悬挂玉棚，异巧华灯，珠帘低下，笙歌并作，游人玩赏，不忍舍去。诸酒库亦点灯毬，喧天鼓吹，设法大赏，妓女群坐喧哗，勾引风流子弟买笑追欢。诸营班院于法不得与夜游，各以竹竿出灯毬于半空，远睹若飞星。又有深坊小巷，绣额珠帘，巧制新装，竞夸华丽。公子王孙，五陵年少，更以纱笼喝道，将带佳人美女，遍地游赏。人都道玉漏频催，金鸡屡唱，兴犹未已。甚至饮酒熏熏，倩人扶著，堕翠遗簪，难以枚举。至十六夜收灯，舞队方散。

车驾诣景灵宫孟飧

十六夜收灯毕，十七早五更二点，禁中催班，从驾官僚入殿起居讫，出殿门外，俱立马于学士院，恭俟驾兴。而殿东折

檻下，快行家皆执金莲烛炬，以俟登辇。驾出和宁门，诣景灵宫行春孟朝飧礼，前后两行绛烛灯笼，导引驾行。向有宝谟学士赵师宰诗：“风传御道跽声清，两道纱笼列火城。云护帝尊天未晓，众星环拱极星明。”驾近景灵宫前，撤去黄盖，方入宫门，此见君王虔孝之忱。至宫幄少歇，奉常更奏行礼，内侍卷帘班道上御黄道，步至殿前，崇禧馆道士二十四员在殿墀下叙立，举玉音法事。上登殿行礼，自西至东，步而入，内侍下帘，先自前殿、中殿，次后殿，虔恭行礼，以遵奉先思孝之家法。礼毕，外廊赐从驾官食，而后对宣，引宰臣以下入行殿赐茶。驾还内，其亲从官皆顶毳头大帽，红缣锦团搭，戏狮子衫，镀金大玉腰带，各执骨朵；文武官皆顶双卷脚幞头，红上大搭，天鹅结带宽衫，鞞官顶双曲脚幞头，红缣团花衫，镀金束带；殿前班直顶两脚屈曲幞头，著绯结带，望仙花衫，跨弓箭乘马，一扎鞍轡，执纓纓前导。数内有东三班，谓之“长入祗候”，幞头后各以青红头须系之，以表忠节之意。御龙直幞头，一脚指天，一脚曲，著方胜缣衫，花看带，镀金束带，执从物如校椅、金花、唾盂、水罐、次锣、乘垒、龙凤掌扇、纓纓之类，及执黄罗珠子、蹙百花背座御椅子并脚踏。快行家顶短小帽子，露半青头巾，带金巾，环绣体腰红缣衫，金束带，悬花看带，手执御校椅、金花瓶、兽炉一香座、御靴、纓纓、玉拄杖、小黄罗伞、御扇等物，俱搭步行，俱口鸣打打头起之。昔诸司库藏，各用金刻字红牌前执，后以黄罗罩笼扛台前导，有本库官乘驭掌其职分，如诸司库藏等司属，并衫帽随号。幕士顶帽，红罗缣衫，金带，悬黄帛。御马骐驎等院亦金字红牌呵喝，牵轡马匹导引。亲事官各顶帽，缣衫，镀银带，执红纱贴金烛笼二百对，左右道行。驾将至，左右首各一员阍门官属，乘马执丝鞭，文武官前导引，至官寮起居亭高声喝

曰：“躬身不要拜，喝喏直身立，奏圣躬万福。”嵩呼而行。次有一员紫裳官，系闕门寄班，乘马，捧月样绣兀子，覆于马上。天武官①十余，簇拥扶策而行。众喝曰：“驾头。”次以近侍诸司官，俱乘驭前后导从。三衙太尉御带环卫。知閤、内侍、都知，皆乘驭驾前导引。更有内等子，即御前忠佐军头引见司人员等，各顶帽，鬓发蓬松，著红纈衫，两手握拳，顾望孺行。或有拦驾人，捶之流血。驾近则列横门，数十人系鞭视从，围子三五重，皆执骨朵。诸亲从等都管人员，并执骨朵，列行导引。驾前有执金香座、玉斧、玉拂，及水精珠杖迎驾，高低弄把引行，如龙弄珠也。上升平头辇，御龙直擎黄罗双盖，后握双黄罗扇。驾近太庙，则盖撤开，前行数步，上略台身而过，此见尊祖敬宗之意。驾后围子亦数重，卫从诸班直马队从于驾后。左有宰执侍从官僚，右有亲王南班，俱从行。驾后有曲柄红绣伞，红绣日扇，命寄班官执驭而从。次日，驾再诣行后殿礼，幸太乙宫、景阳宫，行款谒礼。其日用教乐所乐部，驾前作乐导引，驾后以钧容直乘马作乐而从。驾出景灵宫，至回龙桥。教乐所人员拦驾奏致语，杂剧色打和和来，及奏《礼成回銮曲》，快行先奏报禁中，使内侍排班迎驾起居。前人有诗曰：“帘卷天街看驾回，锦身捷足走能齐。联声快报还宫后，扈从归来日未西。”若次日出，则后宫后妃嫔侍，皆诣景灵宫，以半帐鸾仪从而行。皇太后、皇后乘輿，比檐子稍增广花样，皆织龙，簟輿上皆立金龙，护之剪辇。妃则用金凤，嫔妣止用棕檐耳。次日或遇泥泞，委宰执分诣行事矣。

二 月

二月朔，谓之“中和节”，民间尚以青囊盛百谷、瓜、果子

夹注：① 一作“天武中官”

种，互相遗送，为献生子。禁中宫女，以百草斗戏。百官进农书，以示务本。上丁日，国学行释奠礼，祭文宣王，以祭酒司业为献官。州县学宫，以帅宰奉行。立春后五戊日为社，州县祭社稷，朝廷亦差官祭于太社、太稷坛。州府自收灯后，例于点检酒所开支关会二十万贯，委官属差吏悴雇唤工作，修葺西湖南北二山，堤上亭馆园圃桥道，油饰装画一新，栽种百花，映掩湖光景色，以便都人游玩。

八日祠山圣诞

初八日，钱塘门外霍山路有神曰祠山正佑圣烈昭德昌福崇仁真君，庆十一日诞圣之辰。祖庙在广德军，敕赐庙额“广惠”，自梁至宋，血食已一千三百余年矣。凡邦国有祷，士民有告，感通即应。其日都城内外，诣庙献送繁盛，最是府第及内官迎献马社，仪仗整肃，装束华丽。又有七宝行排，列数卓珍异宝器珠玉殿亭，悉皆精巧。后苑诸作，呈献盘龙走凤，精细靴鞋，诸色巾帽，献贡不俗。各以繅旗、鼓吹、妓乐、舞队等社，奇花异果，珍禽水族，精巧面作，诸色镞石，车驾迎引，歌叫卖声，效京师故体，风流锦体，他处所无。台阁巍峨，神鬼威勇，并呈于露台之上。自早至暮，观者纷纷。十一日，庙中有衙前乐，教乐所人员部领诸色乐部，诣殿作乐呈献。命大官排食果二十四盏，各盏呈艺。守臣委佐官代拜。初八日，西湖画舫尽开，苏堤游人，来往如蚁。其日，龙舟六只，戏于湖中。其舟俱装十太尉、七圣、二郎神、神鬼、快行、锦体浪子、黄胖，杂以鲜色旗伞、花篮、闹竿、鼓吹之类。其余皆簪大花、卷脚帽子、红绿戏衫，执棹行舟，戏游波中。帅守出城，往一清堂弹压。其龙舟俱呈参州府，令立标竿于湖中，挂其锦繅、银碗、官楮、犒龙舟，快捷者赏之。有一小节级，披黄衫，顶青巾，

帶大花，插孔雀尾，乘小舟抵湖堂，橫節杖，聲諾，取指揮，次以舟回，朝諸龍以小綵旗招之，諸舟俱鳴鑼击鼓，分兩勢划棹旋轉，而远远排列成行，再以小綵旗引之，龍舟并進者二，又以旗招之，其龍舟遠列成行，而先進者得捷取標賞，聲諾而退，余者以錢酒支犒也。湖山游人，至暮不絕。大抵杭州勝景，全在西湖，他郡無此，更兼仲春景色明媚，花事方殷，正是公子王孫，五陵年少，賞心樂事之時，詎宜虛度？至如貧者，亦解質借兌，帶妻挾子，竟日嬉游，不醉不歸。此邦風俗，從古而然，至今亦不改也。

二 月 望

仲春十五日為花朝節，浙間風俗，以為春序正中，百花爭放之時，最堪游賞，都人皆往錢塘門外玉壺、古柳林、楊府、云洞，錢湖門外慶樂、小湖等園，嘉會門外包家山王保生、張太尉等園，玩賞奇花異木。最是包家山桃開渾如錦障，極為可愛。此日帥守、縣宰，率僚佐出郊，召父老賜酒食，勸以農桑，告諭勤劬，奉行虔恪。天慶觀遶年設老君誕會，燃萬盞華燈，供聖修齋，為民祈福。士庶拈香瞻仰，往來無數。崇新門外長明寺及諸教院僧尼，建佛涅槃勝會，羅列幡幢，種種香花異果供養，挂名賢書畫，設珍異玩具，莊嚴道場，觀者紛集，竟日不絕。